

清尤
許

乘
編著
校訂

上海科学技术出版社

尤氏喉科秘書
咽喉脈證通論

序

醫道之小焉者也。於小道中。而以喉科著。抑又小矣。然玉霜一點。紅粉半塵。遽爾既危於俄頃。起沉疴於斯須。人巧極天工。錯卽未窺全豹。而小中見大。施濟之功在焉。予忝列鬻官。未暇問岐黃術。而習見夫庸醫之誤人也。貪夫之徇利也。早無以爲賽。夕無以爲殮者之鳴號焉。而莫知引手救也。慨然念士生當世。不獲身名以社。以宏輔相。或得一術以濟人於危急。何莫非立達之初心。奈役役半生。願莫之遂。今年秋。假館東山之麓。陳生在豐。以五十金得是編於梁溪尤氏。予叨一日之遇。得晏然有之。此固生之雅意。抑亦予之急想。世手而鬼神通之者歟。而予於此自念也。傳曰。正其誼。不謀其利。明其道。不計其功。聖賢其事。日月爲昭。人能本意以行之。內省可無慚矣。人有裨益。道雖小也。利實溥焉。此世上齷齪小夫。攢

爲利事耳。道於何有哉。爰述數語以自警。且使後之子孫。勿視爲尋常方藥。而傳之非人。抑知此爲明道之書。而勿開利竇也。

乾隆歲次辛丑中秋後余假館於蠡河之南惠氏深想數年借得私時秘錄
乾隆乙卯年浙慈馮堉峰授傳手錄

尤氏喉科祕書目錄

喉症總論

一—三

咽喉門

喉菌

四

喉癰

四

喉癰

五

腫舌喉癰

五

喉關

五

纏喉風

五

喉刺

六

口牙舌頸面腮門

牙癰

七

牙齦

七

牙腫

七

牙宣

七

牙菌並挂

八

穿牙疔

八

走馬牙疳

八

崩砂疳口風

九

舌癰.....九

木舌.....九

舌菌.....九

懸癰.....〇

糜疳.....〇

鵝口.....〇

馬牙.....〇

頸癰.....一

托腮癰.....一

連珠口疳風.....一

蘭脣風症.....一

喉症治法.....一二一七

製藥法則

取百草霜法.....一八

製黃柏法.....一八

製人中白法.....一九

製牙皂法.....一九

製礬蠶法.....一九

製燈草灰法.....一九

製鎗硝法.....二〇

碧丹配合法.....二一

金丹配合法.....二一

喉症煎藥主方……………一三三

舌症煎藥主方……………一二三

牙症煎藥主方……………一二四

製三黃散法……………一二五

製梅鑒法……………一二五

用藥法……………二六—三一

喉症驗方

綠袍散……………三二二

蘆薈散……………三二二

冰黃散……………三二二

十寶丹……………三三三

又方……………三三三

上清丸……………三四

清咽消腫飲……………三四

玉鎖匙……………三五

蘇子降氣方……………三五

加減良方……………三五

驅腐丹……………三六

吹喉散……………三六

吹口方……………三六

消腫代刀散……………三七

又方……………三七

尤氏喉科祕書 目錄

口疳藥方……………三八

尤氏喉科祕書

清 尤 乘 編 著

喉症總論

咽喉爲人身吸飲食門戶。方寸之地。受病危險。其症甚繁。大約其要總歸於火。蓋少陰、少陽、君相二火。其脈並絡於咽喉。故往往爲火症之所結聚。君火勢緩。則結而爲疼。爲腫。相火勢速。則腫甚不仁而爲痺。痺甚不通。則痰塞以死。經云。一陰一陽結。爲喉痺。火者痰之本。痰者火之標。火有虛實。實火應過食煎炒炙燂。蘊結積毒。其症煩渴。二便秘塞。風痰上壅。將發喉痺。症先胸膈不利。脈弦而數。治宜先去風痰。後解熱毒。虛火。或應飲酒太過。或應忿怒。或應色慾。火炎上攻。咽喉乾燥。必二便如常。少陰心脈微。治宜補虛降火。凡用藥。不宜純用寒涼。取效目前。上熱未

除中寒復起。毒氣乘虛入腹。胸前高腫。上喘下泄。手足指甲青黑。七日以後。全不進食。口如魚口者死。且治喉症。最忌發汗。誤人不淺。或針砭出血。已具汗意。但凡寒傷於腎。及帝中腫者。切不宜針。至如內傷虛損。咽喉失音。無法可治矣。帝中喉癰花柳喉症初起。一日寒戰即生者。發後身涼。口不碎。又無重舌。或二便俱利。不可認作熱症。皆因陰虛寒而發。其痰不可吊盡。蓋此痰即身中津液所化。與熱症乳鵝種舌之痰。以流盡而愈者不同。若亦流盡。則精神竭而必斃。先以藥吹。或用水換之法。使喉一通。即便服藥。初劑發散和解。第二劑即使溫補資養之藥。設三四日後。再發寒戰。或心痛。骨痛。脇疼等症。皆屬難治。發時牙關緊閉。舌喉俱腫。口碎而臭。或有重舌。及舌上有黃屑。發屑者。發後下午再發寒熱。二便秘塞者。即作熱症。用石膏敗毒散主之。然易愈之症。如漸起之症。三四日後。而發寒熱者。雖凶。亦不爲害。惟有症未減。而牙關反不緊閉。脣口不腫。而紋如好人者。不治。舌腫口滿者不

治。色如胡桃、茄子、砂紙者不治。或連重舌發寒熱。猶可治也。舌以筋按之。其色雪白。起筋卽紅紫色。此身內之血已死。然口臭者。猶可或生。尤忌口渴氣急痰多而稠。如洗膠者。死其至矣。一頸俱紅腫者。亦極危也。面紅帶紫。面青帶白。神氣少者。俱不治。不語者死。略能語者。尙有可生之機。面色少神。喜坐低處者。亦極難治。夫帝中性命所關。舌下紫腫。爲舌系下通於腎。白腫不治。傷者必死。凡看喉症。必先看當心之中。有紅色者不治。如紫黑者尤危。俱不可下藥。記之慎之。

凡喉看法。必先刺所發一邊手之少商穴。如血流不出者。必死在頃刻。卽好處一邊。流出血紫黑色者。亦死之症。業是者。貴辨之審也。

咽喉門

喉痺屬痰。屬風。屬熱。皆應鬱火而兼熱毒。腫甚不仁。乃咽喉之重症。喉痺者。總名也。要去風痰。解毒。開鬱悶。其症自愈。乳鵝有單。有雙。有連珠。多應酒色。鬱結而生。初起一日痛。二日紅腫。三日有形。細白星。無細星。即喉癰。發寒熱者凶。四日勢定。治之四五日可愈。其症生於喉旁。一邊生者爲單鵝。左右生者爲雙鵝。單輕雙重。連珠尤重。左右爲^心二白星。上下相連。狀如纏袋者。爲連珠鵝。

喉菌

病屬憂鬱。血熱氣滯。婦人多患之。形如浮萍。略高而厚。紫色。生於喉旁。輕則半月二十日。重則經月月餘。要在治之得法。及患者守慈忌口。

喉癰

虛火上炎。肺金太旺。致攻牙關。生如絲。如景窰紋樣。又如秋海棠葉背後紅絲一般。飲食阻礙。嚥痛。雖不傷命。久則喉啞失音。而不能救矣。

喉癰

此因過食辛辣、炙燂、厚味、醇酒、感熱而生。屬肺病。喉間無形。但紅腫而痛者。亦發寒熱。頭痛。四五日可愈。

腫舌喉癰

腫舌病也音殺

肥人感熱性躁者。多患此症。凡舌下生小樣者。爲腫舌。如連喉腫痛者。卽爲喉癰。不痛者。非是。大抵腫舌兼喉癰者。勢凶。

喉關

傷寒後發難治。爲氣閉不通。無形無聲。

纏喉風

因心中躁急而發。先二日必胸膈氣緊。出氣短促。然咽喉腫痛。手足厥冷。頸如絞轉。熱結於內。腫繞於外。且麻且痒。喉內紅絲纏繞。手指甲白色。手心壯熱。喉腫而

大風痰壅盛。如曳鋸聲。是其候也。最爲忌症。初起一日。卽治可治。若過一日夜。目直視。喉間如雷聲者。不治。燈火近患人吹滅者。不治。若喘急額汗者。危在旦夕。又云。纏者。自頤纏繞。赤色寒熱。又口開而不闔者。是其候。必待過一週時無恙。方可用藥。宜極早回頭。

喉刺

多因先患勞病。重症旣久。虛火上升。榮血已枯。其喉上頸。有紅點密密如蚊蟲咬斑樣。此係危篤將殂。勿治。

口牙舌頸面腮門

牙槽風初起。先齒痛不已。後卽牙齦內浮腫。紫黑色。或出血。久則腐爛。

牙漏卽前症。久則不愈。齒縫中出白膿。極難調治。甚則齒落。如上左邊門牙落者。

不治。以上二症。皆屬胃火腎虛。

牙癰

一名牙棋風。初起有一小塊。生於牙根肉上。或上或下。或內或外。其狀高硬。牙癰、牙腫、牙菌三病。大同小異。治法亦不難。

牙齦

生於牙盡。齦中。齒不能開。牙關緊閉。此症初起。勢重。甚至夜尤甚。然亦不難治。亦不妨命。

牙腫

字典無此腫字

屬胃火。如豆大。生無定處。或內。或外。

牙宣

齒縫出血。上屬脾。下屬胃。實火上攻所致。亦有胃虛火動。腐爛牙根。以致淡血時

尤氏喉科秘書 牙菌並挂 穿牙疔 走馬牙疳
時滲漏不已。

牙菌並挂

生於牙根。其狀紫黑色。高低如菌狀。此火盛血熱。而又兼風滯。

穿牙疔

先三日牙痛。發寒熱。後痛不可忍。牙根上發紫塊者是也。穿牙毒。卽前症。初起者未破爲疔。已破卽爲穿牙毒。其色紅者可治。青者不可治。疔毒又與牙槽風牙漏相是。治法亦相仿。

走馬牙疳

或因胎毒痘毒後。發致牙根腐爛成疳。殺人最速。鼻梁上發紅點者。不治。其色如乾醬。一日爛一分。二日爛一寸。故名走馬。以喻速也。有齒者落盡而死。上并左邊門牙爲牙之主。此牙一落。其餘盡落。若此牙不落。餘牙雖落。可能爲治。小兒走馬

疳。及大人牙槽風。均皆如是看法。

崩砂疳口風

自舌下牙根上腫赤。口內作痛如燙熱。牙根漸爛。亦以脫牙爲患。舌見症

舌癰

舌紅而腫大。屬心經火盛。地角亦紅腫。舌黃。舌上黃。生腫痛。亦屬心火。舌見症

木舌

舌頭腫大。如煮熟猪肝。不能轉動。又有一種。生舌根下。如白棗。有青紫筋。不能速愈。初起不痛。不發寒熱。漸至腫大。初起愈遲。則愈而難痊。亦以憂鬱所致。卽是重舌。舌見症

舌菌

屬心經火多。因氣鬱而生。生舌上。或如木耳。或如菌狀。其色紅紫。舌見症

懸癰

口裏顎上紫泡。如荳大者是。紫舌脹。屬心火。內必煩躁悶亂。

糜瘡

滿口糜爛。與小兒口瘡同治法。

鵝口

一名雪口。初生月內小兒。滿口舌上白屑。如鵝口樣。故名。

馬牙 即板牙日逐要挑破

初生小兒。胎內受過熱毒。見風即生。但看牙根上有白色如脆骨者是。此症欲發出胎即打噴嚏。含乳或吞或吐而不吮。其病已深。若不急治。入腹即死。切勿認作黃疸之類。出胎即要細看。日逐要挑。至三四日病即成。五六日堅硬難治。甚有發而再發。大約一月外。方可免此患。